



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CHRISTO CAPITE|| TOTIVS ECCLESIAE,|| QVINQVE LIBRIS|| explicata.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

VII. Soluuntur argumenta aduersariorum.

[urn:nbn:de:hbz:466:1-53845](https://nbn-resolving.de/urn/resolver.pl?urn=urn:nbn:de:hbz:466:1-53845)

homo autem, quia in unitatem persona accessit Verbo animalis & caro. Et cap. 36. Quid enim natura humana in homine Christo meruit, & in unitatem persona Unici Filii Dei singulariter esset assumpta? Similia habet lib. 13. Trinit. cap. 17. epist. 3. ad Volusianum; 102. ad Euodium. & 120. cap. 4. ad Honoratum, &c alibi.

Denique B. Leo nihil frequentius repetit in omnibus suis sermonibus & epistolis, sed præcipua epistola 97. ad Leonem Augustum, cap. 1. vbi sic ait: *Anathematizetur ergo Nestorius qui B. Virginem Mariam non Dei, sed hominis tantummodo credit genitricem, & aliam personam carnis, alienam faceret Deitatis.*

## CAPVT VII.

### Soluuntur argumenta aduersariorum.

**S**UPER EST argumenta soluere Nestorianorum, quæ ut plurimum sophistica sunt. Argumentum PRIMVM, Ioan. 2. Dominus ait: Soluite templum hoc, cùm loqueretur de sua humanitate, ergo Deus Christus & homo Christus duæ personæ sunt; nam nō dixit, soluite me, & præterea non potest esse idem, templum & qui in templo habitat. Hoc argumentum facit Theodoretus in reprehensione secundi anathematismi Cyrilli, &c. postea sèpe repetit.

RESPONDEO, hoc argumento rectè probari, duas esse in Christo naturas, non autem duas personas. Nam etiam animus noster dicitur habitare in corpore, ut in suo tabernaculo, quia diuersa est natura animi à natura corporis, & tamen una persona est, quæ ex animo & corpore constat. Job. 4. dicuntur homines inhabitare domos luteas. & 2. Corinth. 5. Apostolus dicit: *Si terrestris domus huius nostra habitationis, &c.* Ibidem: *Qui sumus in hoc tabernaculo ingemiscimus grauati.* Et 2. Petr. 1. *Velox est depositio tabernaculi mei.* Itaque rectè Chrysostomus homil. 10. in Ioan. ex illo: *Et habitauit in nobis,* colligit duas esse naturas in Christo: non rectè autem Theodoretus colligit duas personas.

Argu-

„ Argumentum SECUNDVM. Apostolus de Christo dicit  
 „ Philipp. 2. In similitudinem hominum factus, & habitu in-  
 „ uentus est homo. Non igitur Christus Deus, homo fuit, sed  
 „ hominibus similis propter indumentum humanitatis. Quem-  
 „ admodum Rex indutus rusticis vestibus non esset rusticus,  
 „ sed rusticorum similis. Quare Theodoretus (qui, ut supra  
 „ diximus, aliquando Nestorij partes sequutus est) in controver-  
 „ sario huius loci scribit, Paulum voluisse dicere, Verbum non  
 „ esse factum hominem, sed induisse hominem.

RESPONDEO cum Ambrosio, Chrysostomo, Theophylacto, & Oecumenio in hunc locum, Christum non esse  
 hominem, sed similem hominibus, in ea significatione qua  
 hic accipitur, homo; Nam cum Paulus dicit, Christum ita  
 esse in similitudinem hominum, & habitu inuentum  
 ut hominem, Hominis vocem accipit, ut significat ordinatio  
 purum hominem, conceptum ex semine viri, natum in pe-  
 cato, peccatis obnoxium. Talis enim Christus videbatur, si  
 non erat. qua significatione vritur idem Paulus cum ait  
 Galat. 1. Se Euangelium non didicisse ab hominem, sed a Christo.  
 Vbi sine dubio per hominem, purum hominem ostendit  
 alioquin non diceret, sed a Christo, quasi Christus auctor  
 homo, cum idem Paulus dixisset: Vnus est mediator Dei  
hominum, homo Christus Iesus. 1. Timoth. 2.

Postò CHRYSTOMVS indicat etiam aliam ex-  
 cationem, quam sequuntur Haymo & S. Thomas, scilicet  
 (In similitudinem hominum) significet similitudinem infor-  
 mationis humana, & sensus sit, Christum factum esse verum  
 hominem, proinde similem ceteris in specie. Cui explicatio  
 satis conuenit id, quod praecedit; Formam serui acceptemus  
 enim forma servi natura humana, ut supra ostendimus. Ver-  
 autem, Habitus, hoc loco non significat vestem, sed extream  
 figuram, ut Chrysostomus, Theophylactus, & Oecumenius  
 exponunt. Non enim Græcè est ἔρευνα, sed ὄρευνα, inde  
 sensus est, Christus figura corporis exteriori videbatur unus  
 de turba hominum, cum tamen esset singularis quidam, &  
 diuinus homo, vel figura exteriori ostendebat se verum esse  
 hominem.

Quia tamen AVGUSTINVS lib. 83. quæst. 73. Cyrillicus  
 21. in Ioann. cap. 14. Haymo & Thomas in hunc locum per  
 habent

habitum intelligunt iadumentum. Responderi potest ad argumentum, humanitatem vocari iadumentum Verbi, nō quia Verbum non sit verē, & substantialiter homo, sed propter similitudinem, quæ est inter vestes, & humanitatē. Nam ut per vestes homines cognoscuntur, sic per humanitatem Deus agnitus est: & quemadmodum cū vestes induimus, aptantur vestes ad figuram corporis, & proinde vestes mutantur, non homo; sic etiam, cū Verbum caro factum est, humanitas mutata est Verbo immutabili permanente. Igitur propter has & alias eiusmodi similitudines dici potest humanitas iadumentum Verbi, licet alioqui Verbum verē & substantialiter homo factum sit.

Argumentum TERTIVM, Hebr. 7. Filius Dei Christus dicitur esse sine matre & sine genealogia, ergo aliis est Filius Mariæ, qui matrem & genealogiam habet, & alius Filius Dei, qui vtroque caret.

Respondet rectè CASSIANVS lib. 7. de incarnatione, posse argumētum in aduersarios retorqueri, nam ibidem ab Apostolo, de quo dictum est sine matre, sine genealogia; de eodem dicitur sine patre; ergo si iste locus intelligitur de Filio Dei, sequitur Filium Dei non habere Patrem; quod est contra Nestorium, qui distinguit Filium Dei Patris à Filio Virginis Marris. Dicit deinde Cassianus, Apostolum duas Christi nativitates explicare voluisse; vnam sine matre, nimirum diuinam; alteram sine patre, nimirum humanam.

Argumentum QVARTVM. Nomen D E I absolutè positum, non significat Deum homini vnitum, sed Deum tantum; at Maria non peperit Deum tantum, sed Deum homini vnitum, ergo non debet dici Maria Dei genitrix. Hoc argumentum Nestorij fuisse scribit Theodoretus lib. 4. de hæreticis fabulis, in hæresi Nestorij.

R E S P O N D E O, Nomen (D E I) absolutè positum, non significare quidem Deum homini vnitum, sed neque excludere id à sua significatione; proinde malam esse cōsequentiam argumenti. Quod autem nomen, D E I, absolutè secundum Scripturas, tribui possit ei, qui de Virgine natus est, probatur ex eo, quod tribuitur ei, qui mortuus est; cū eiusdem sit nasci & mori. Act. 20. Attendebo, inquit Paulus, & eniverso gregi, in quo vos Spiritus sanctus posuit Episcopos re-

gerē

gere Ecclesiam Dei, quam acquisiuit sanguine suo. Et 1. Ioh.  
3. In hoc cognouimus caritatem Dei; quoniam ille pro nobis  
animam suam posuit.

Argumētūm QUINTVM. Filius Mariæ dixit: Deus meus,  
» Et quid dereliquisti me? Matth. 27. Et: Pater, salufici n  
» ex hachora. Ioan. 12. Et Angelo eguit consolatore, Lucas.  
» At ista Filio Dei non conueniunt, nō igitur idem etat fili  
» Dei, & Filius Mariæ.

Respondeat CYRILVS in defensione quarti anathematis  
tismi contra Theodoretum, ista omnia conuenire Filio Di  
secundum formam humanam, sicut contraria ei conve  
niunt secundum formam Dei; est enim verus Deus & vir  
rus homo.

Argumentum SEXTVM. Nemo potest anteriorē segi  
gnere, Deus anterior est Maria, non igitur Maria Deum gl  
gnere potuit. quare non est appellanda Dei genitrix.

Hoc argumentum copiosè refellit CASSIANVS libro  
de Incarnatione, sed breuiter respondeo, non possum re  
gignere aliquem se antiquorem secundum id, quothe  
quior, itaque Maria peperit Deum Christum, nō secundum  
Divinitatem, qua erat anterior, sed secundum humanitatem,  
qua erat posterior. Nec est mirum, si exempla non habi  
mus, quia mysterium hoc singulare est.

Argumentum SEPTIMVM. Filius debet esse homous  
parentibus, sed Christus Deus non est homous Deus Mat  
cūm ipse sit Deus æternus, & omnipotens; quæ Mariæ filius  
modo conueniunt.

Hoc etiam argumentum fusè refellit CASSIANVS  
summa est, Filium debere esse homousion parentibus, sec  
undum eam naturam, quam ab eis accepit, sive quatinus co  
rum Filius est. Christus autem Deus non accepit à Māri  
eturam diuinam, sed humanam, nec est eius Filius, nisi que  
tenus homo, & ppter ea satis est, si matri sit homousioque  
tenus homo est; quemadmodum Patri est homousioque  
tenus Deus est.

Argumentum OCTAVVM. Christus vocatur homo Dei  
fer à B. Basilio in Psal. 59. Respondeo, BASILIVM nō dic  
Christum esse hominem Deiferum, vt Theodoretus falsa  
cit in reprehensione quinti anathematis, sed exponit Chil.

Christi esse σάρκα Θεοφόρον, id est, carnem Dei gestatricem, est autem nō paruum discrimin inter hominem & carnem. nam homo personam significat, vt etiam Deus; caro autem non personam, sed naturam, vel potius partem naturæ humanae significat. Quare homo Deifer, non rectè dicitur de Christo, in quo non sunt duæ personæ, homo & Deus; at, caro Deifera, dicitur rectè, quia duæ sunt naturæ, caro & Deitas, & vna est quasi Domicilium ac sedes alterius. Adde, quod S. IGNATIVS in singulis ferè epist. seipsum Θεοφόρον inscribit. At quis credat, sanctum illum virum Christi vocabulum sibi assumere voluisse?

Quod si alicubi apud Patres (quod tamen ego inuenire non potui) Christus dicatur homo Deifer, piè explicandum est, vt videlicet sensus sit, Christum ratione humanitatis templum ac sedem esse Diuinitatis. Quemadmodum sanctus AVGVSTINVIS cùm in Enchiridio cap. 36. & in libro de prædestinatione Sanctorum, cap. 15. & alibi non raro dicit, Dei Filium assumpisse hominem, intelligit nomine hominis, humanitatem.

### CAPVT VIII.

Explicatur, in quo propriè consistat unio hypostatica duarum naturarum.

**S**EQUITVR nunc quarta pars nostræ disputationis, in qua explicanda est definitio incarnationis, vt videamus quid sit propriè vniri hypostaticè.

BRENTIVS & SMIDELINVS suprà citati, volunt, vniri hypostaticè diuinam & humanam naturam in Christo, nihil esse aliud, quam communicari attributa, seu proprietates omnes diuinitatis humanitati Christi; communicari autem dicunt non per se, sed per accidēs. Explicat enim CORDIA nuper edita in repetitione copiosa articuli 8. id fieri non per dona creata, & infusa, nec ita vt illa diuina attributa sicut proprietates naturales humanitatis, sed quia Diuinitas in habitat tanquā in suo proprio corpore in Christi humanitate, & in ea lucet omni sua maiestate, potentia,